

Poštovani,

Srdačno Vas pozivamo da svojim prisustvom uveličate 9. po redu Rudarski kongres 2023 koji će se održati 06.09. i 07.09.2023 u Beogradu, u predivnom ambijentu hotela Falkenstainer s početkom u 9:30 sati.

Kongres se održava u organizaciji SIMING Mining i partnera, globalnih lidera i pionira rudarske industrije kao što su EICKHOFF, TIEFENBACH, ZHENGZHOU MINING MASCHINERY GROUP - ZMJ, HAZEMAG, THIELE, PUTZMEISTER, PETROFER, CFT group, FLEXCO i mnogi drugi.

S ponosom naglašavamo podršku Rudarsko geološkog znanstvenog Instituta koji djeluje u sklopu Ministarstva energetike NR Kine - ZhongYun International Engineering CO.,Ltd koji će svojim pristustvom, prezentacijom i podrškom uveličati ovaj događaj. Svakako bi naglasili prisustvo, podršku i predavanje rudnika Premogovnik Velenje, iz Slovenije koji glasi kao jedan od najmodernijih rudnika na svijetu.

Nakon popuštanja globalnih mjera uzrokovanih Covid pandemijom, smatramo da je od izuzetne važnosti iskoristiti priliku i okupiti svjetske lidere iz oblasti energetike i rudarstva Republike Njemačke, NR Kine, Španjolske, Turske i Sjedinjenih Američkih država, kako bi se konzultirali i savjetovali u veoma izazovnim nadolazećim vremenima ispred nas, te kako bi ojačali suradnju vodećih svjetskih kompanija s različitim industrijskim aplikacijama država u regiji.

Glavni uvjet budućeg poslovanja u ovim neizvjesnim vremenima postaje otvorena komunikacija, brzi rokovi isporuke, uzajamno povjerenje i kvaliteta proizvoda, brza efikasnost, financijska efikasnost i ušteda, garancije i servisne usluge na najvišem nivou, te naravno korektan i prijateljski odnos.

Kvaliteti sadržaja samog događaja i ostvarenju dugoročnih ciljeva kongresa doprinosi podrška najvećih globalnih kompanija u oblasti energetike za podzemnu i površinsku eksploataciju uglja, industrije prerade minerala, tunelogradnje i slično.

Naglasak kongresa je na podzemnu i površinsku eksploataciju uglja te ostalih procesa u proizvodnji energenata za potrebe proizvodnje od nacionalne važnosti. SIMING Mining je više od 40 godina lider tržišta podzemne eksploatacije uglja na području ex-yu zemalja u partnerstvu s globalnim liderom i proizvođačem otkopnih mašina EICKHOFF(Njemačka), te sa ZHENGZHOU COAL MINING MACHINERY GROUP (Kina) koja trenutno nosi titulu najvećeg globalnog proizvođača rudarske opreme za podzemnu eksploataciju uglja.

Između ostalog izdvojili bismo prezentacije i radove na temu rudarskih noviteta i proizvoda, inovativnosti tehnologije i prednostima proizvođača za napredak u sve težim uvjetima poslovanja. Naša zadaća je informirati lidere industrije u regiji o svim poteškoćama s kojima se suočavamo na globalnom i lokalnom nivou kao i naravno prednostima, tehnološkim inovativnostima i mogućnostima koje se nude na tržištu kao čvrsta ruka podrške lokalne i regionalne industrije.

Raspravljat ćemo svjetske trendove potražnje, problematiku i dostupnost sirovina te kakav utjecaj i mogućnosti ima naša regija na europskom i svjetskom nivou.

SIMING d.o.o. je vodeće poduzeće na tržištu ex-yu zemalja iz oblasti rudarstva. Dobra reputacija i tržišni uspjeh firme SIMING(od 1976.g.) dovela je do zastupničkog i proizvodnog programa koji spada u svjetsku elitu dobavljača rudarske opreme za podzemnu i površinsku eksploataciju uglja, kao i opreme za razne druge industrijske aplikacije.

Zajedničkim djelovanjem možemo utjecati na boljitak i efikasnost poslovanja, dugoročne uštede elektroprivreda u regiji, te svih ostalih ključnih partnera u procesu realizacije kroz kvalitetu, viziju, studije i cjelokupan servis usluge ključ u ruke.

Danas, više nego ikad, potrebno je zajedništvo i suradnja lokalne sredine kako bi se učinak svjetske krize sveo na minimum.

Biti će nam veliko zadovoljstvo ugostiti Vas na 9. Rudarskom kongresu u hotelu Falkensteiner 06.09. i 07.09.2023 s početkom u 9:30 sati. Molimo da nam svoj dolazak potvrdite najkasnije do 01.09.2023. Detaljniji raspored zbivanja i predavanja tokom kongresa šaljem nakon potvrde dolaska.

Srdačno Vas pozdravljamo!
SIMING&Partneri